

DIE XXVII. AUGUSTI.

316

IN FESTO

S. THERESIAE  
SECUNDO.

DUPLEX.

*Omnia tam in Offic.  
quàm in Missa, prout  
in principali ejusdem fe-  
sto ad diem xv. Octo-  
bris, exceptis iis, quae  
sequuntur.*

ORATIO.

**D**Eus, qui illibata  
præcordia Bea-  
tæ Virginis Theresiæ  
Sponsæ tuæ ignito ja-  
culo transfixisti, &  
charitatis victimam  
consecrasti: ipsa inter-  
veniente concede, ut  
corda nostra ardore  
Sancti Spiritus fer-

veant, & te in omni-  
bus super omnia dili-  
gant. Qui vivis, & re-  
gnas cum Deo Patre in  
unitate ejusdem, & c.

IN II. NOCTVRN.

*Lectio iv.*

**I**Nter cæteras The-  
resiæ virtutes præ-  
cipuè emicuit dilectio  
Dei, quæ ad eò in cor-  
de ejus exarsit, ut Con-  
fessarii ipsius Theresiæ  
tamquam non homi-  
nis, sed Cherubim  
propriam admiraren-  
tur, & celebrarent;

quam

quam etiam Dominus  
 noster Jesus Christus  
 multis visionibus, &  
 revelationibus mirabi-  
 liter auxit: quandoque  
 enim data dextera, cla-  
 voque extenso, illam  
 in Sponsam suam ado-  
 ptavit: atque his verbis  
 alloqui dignatus est:  
 deinceps, ut vera spon-  
 sa, meum zelabis ho-  
 norē: jam ipse sum to-  
 tus tuus, & tu tota mea.

*Lectio v.*

**A** Liquando etiam  
 Angelum vidit  
 ignito jaculo sibi præ-  
 cordia transverberan-  
 tem: Quod ipsa enar-  
 rat his verbis: vide-  
 bam ad sinistram  
 meam Angelum a-  
 stantem corporali spe-  
 cie; non erat magnus,

sed parvus, formaque  
 pulcherrima, ac vul-  
 tu sic accenso, & fla-  
 grante, ut videretur  
 ex supremis, qui peni-  
 tus exardent, five ex  
 iis, qui Seraphim di-  
 cuntur. Aspiciebam  
 eum in manibus gesta-  
 re longum jaculum  
 aureum, & in extre-  
 mo cuspidis parum  
 ignis: jaculo autem  
 non semel cor meum  
 transverberabat usque  
 ad viscera: hæc verò  
 mihi videbatur secum  
 asportare, cum jacu-  
 lum educeret, exinde-  
 que me prorsus relin-  
 quere Dei amore æ-  
 stuantem. Erat qui-  
 dem tam vehemens  
 dolor vulneris, ut me  
 compelleret in gemi-



tus iteratos prorumpere, & adeò excel-  
lens suavitas, quam  
in me hic dolor inten-  
sissimus efficit, quod  
desiderabile non sit,  
ut auferatur, nec ani-  
mæ quidquam pla-  
ceat, nisi Deus ipse.

*Lectio vi.*

**E**X quibus cælesti-  
bus donis divini  
amoris flamma in ejus  
corde adeò exæstua-

bat; ut maximè ar-  
duum votum à Deo  
edocta emiserit, effi-  
ciendi semper quid-  
quid perfectius esse, &  
ad majorem Dei glo-  
riam pertinere, intelli-  
geret. Quin etiam post  
mortem cuidam mo-  
niali per visum mani-  
festavit, se non vi mor-  
bi, sed ex intolerabili  
divini amoris incendio  
vita excessisse.

## HISPANIARUM.

**A**D *pias, enixasque Serenissimi Regis Ca-  
tholici instantias per litteras particulares*  
SSmo. Dño. N. Clementi Pape XII. directas,  
& per Emum. ac Rmum. D. Card. Belluga ei-  
dem exhibitas, quibus pro extensione Officii, &  
Missa in Festo Sanctæ Theresiæ Secundo supplica-  
tum fuit, easque à Sanctitate sua ad Sacr. Rit.  
Congreg. remissas, & ab ipso Emo. Belluga Po-  
nente

4  
nente relatas, Sac. eadem Rit. Congr. instante  
P. Fr. Nicolao à Jesu Maria, Ordinis Carme-  
litarum Excalceatorum Congregationis Hispa-  
nia Procuratore Generali, petitum Officium cum  
Oratione, & Lectionibus ii. Noct. prop. pro uni-  
verso Carmelitarum Excalceatorum Ordine sub  
die 25. Maii 1726. jam approbatis singulis an-  
nis 27. Augusti in Festo S. Theresia Secundo ab  
omnibus tam Secularibus, quàm Regularibus  
utriusque sexus in cunctis Hispaniarum Regnis,  
qui ad horas Canonicas tenentur, sub ritu dupli-  
ci recitari, & Missam respectivè celebrari posse  
concessit, si SSmo. Dño. Nostro visum fuerit.  
Die 5. Decembris 1733.

Factaque deinde de prædictis SSmo. Dño. No-  
stro relatione, Sanctitas sua benignè annuit. Die  
II. ejusdem mensis, & anni 1733.

A. F. Card. Zondadari Pro-Præf.

Loco ✠ sigilli.

N. M. Tedeschi Archiep. Apam.  
Sac. Rit. Congr. Secret.